

A R - V R A N

HAC

A L L O U A R N



Eun devez mestrez Brân, clujet var eur vezen,
 A zalc'he en he beg eur pez patatezen ;
 Alanic al Louarn, ar c'hoez mad pa zantas,
 Eguis eur c'hànjoler dezi a lavaras,
 Var ton tra la la-la-la, var ton tra la la-la-la,
 Var ton tra la deri dera la-la-la.

— Bonjour déc'h, itron Brân : penos a reomp-ni ?
 — Eleal, mestr Louarn, brao avoalc'h oun. Na c'houi ?
 Va bugale ive, sepet an diveza,
 A zo gant ar c'hoeluch pemzec dez zo dija,
 Var ton tra la la-la-la, var ton tra la la-la-la,
 Var ton tra la deri dera la-la-la.

— O Brân! peguer caer oc'h gant ho robe hep pris!
 C'houi oc'h eus sur laqet e ober en Paris ?
 — Ia, eme ar Vrân, carguet a fouguerez :
 Hac e ro da anaont ty he c'hemenerez,
 Var ton tra la la-la-la, var ton tra la la-la-la,
 Var ton tra la deri dera la-la-la.

H
37DEB
563B

— 2 —

— A feiz ! mar déo ho mouez hanval ouz ho tillad ,
 C'houi a dle anfonci an oll ganerien vad.
 Grit din eta clévet ho mouez qer magnific ;
 Rac ebars ho famill' voar erén var ar music ,
 Var ton tra la la-la-la , var ton tra la la-la-la ,
 Var ton tra la deri dera la-la-la.

Qerqent an itron Brân , hep beza re bedet ,
 A e' hrosmol dre he fri *An Tour dantelezet* ; (*)
 Mes dre ma ranq he beg digueri da gana ,
 Ar batatezen zo lêzet prest da goeza ,
 Var ton tra la la-la-la , var ton tra la la-la-la ,
 Var ton tra la deri dera la-la-la.

Ractal mestr Alanic , a gonte mad var ze ,
 Var ar batatezen a zaill diouc'h-tu neuze.
 Evel eun tord e c'hoarz , an tam mastin fripon ,
 En eur frota e gôf , ha joaüs e galon ,
 Var ton tra la la-la-la , var ton tra la la-la-la ,
 Var ton tra la deri dera la-la-la.

Trêi a ra ouz ar Vrân , hac e lavaras dêi ,
 O tont d'e c'haqetal hac ober goab anei :
 Me meus ho trappet brao ! Vil e zeo ho tillad :
 Ne ouzoc'h qet cana..... Ho patatez zo mad ,
 Var ton tra la la-la-la , var ton tra la la-la-la ,
 Var ton tra la deri dera la-la-la.

O clévet an dra-ze , ar Vrân maleüruzez
 A zo despitet oll , confoutet gant ar vez.

(*) Chanson all, composet gant A. LÉDAN.

— 3 —

Oh ! perac e teuer an duei da zifen !
 M'em bije da lazet gant eun tenn pistolen ,
 Var ton tra la la-la-la , var ton tra la la-la-la ,
 Var ton tra la deri dera la-la-la.

An oll lapouset all , o clêvet comz ouzin ,
 A deuyo d'am goapât bremâ dindan va min....
 Me , mestrez ar Brini ! trappet gant Alanic ,
 A vo sellet bremâ' vel eul Laouenanic !
 Var ton tra la la-la-la , var ton tra la la-la-la ,
 Var ton tra la deri dera la-la-la.

Clêvit ar voralen eus ar c'houplejou-mâ ;
 Brini , bras ha bian , va zelaonit amâ :
 Pa vo leun ho qinou demeus a batatez ,
 Serrit ervad ho peg , ha grit tevel ho mouez ,
 Var ton tra la la-la-la , var ton tra la la-la-la ,
 Var ton tra la deri dera la-la-la.

7^e Gūengolo 1848.

A. LÉDAN.



E Montroulez , eus a Imprimeri LÉDAN.